



# Պարույր Սևակ

## Ութնյակներ

Մաս 3

21

Ախ, գոնե անփակ  
Բերանը փակի,  
Որ «Լո՛ւյս է, լույս է»-ն  
Ականջ չծակի:  
Այս ծակ-ակտիվը  
Ո՞նց չի հասկանում.  
Առանց արլոր էլ  
Լույսը կծագի:

22

Ամռան շոգին պաղ շվաքում  
Մրափող կուծը  
Ի՛նչ իմանա արեգակի  
Ահարկու ուծը,-  
Արեգակը նրա աչքում  
Հայրաբար բարի՛,  
Արեգակը նրա համար  
Նույնիսկ քնքո՛ւշ է...

23

Երեկ՝ ուրիշ եղանակ,  
Այսօր այլ բան է երգում,  
Միրով ժխտում ինքն իրեն  
Եվ ինքն իրեն է հերքում:  
Արդարանա՞լ է ուզում,  
Բայց թե մեկ է - չի՛ օգնի.  
-Էշ նստելը՝ մի ամոթ,  
Էշից իջնելը՝ երկու...

24

Բեղերը քեզ քիչ են թվում -  
Ուզում ես և լինի մորուք.  
Հա՛մ ջահել մնալ ես ուզում,  
Հա՛մ դառնալ իմաստուն ծերուկ,-  
Դու շատի ետևից ընկած՝  
Քիչն էլ ես բաց թողնում ձեռքից...  
Ա՛խ, հիմա՛ր, այդ ո՞վ է բռնել  
Մի ձեռքով երկու ձմերուկ:

25

Չէիր կարող երեկ ասել,  
Թե՛ սև հոնք կա աչքիդ վրա,  
Մինչդեռ այսօ՛ր - քաղցր-մեղրը,  
Մեղրածոր է, տեսե՛ք նրան...  
Ջգուշավո՛ր իմ բարեկամ,  
Ջգո՛ւյշ, այդքան մի քաղցրացիր,  
Մեկ էլ տեսար՝ ճանճերն ազահ  
Վրա տվին ու քեզ կերան:

26

Քո կյանքը ապարդյուն անցավ -  
Անօգուտ, իգուր տեղ կորար,  
Ինչպես որ բաց ծովի վրա  
Տեղացող անձրևը վարար:  
Շահեցիր լոկ ծաղր ու ծանակ՝  
Միայնակ ցուցարարի պես,  
Ո՛չ հասար, ո՛չ էլ ետ դարձար՝  
Անհասցե փակ ծրարի պես...

27

Նա այնքան ջահել է դեռ,  
Եռանդագին ու խանդավառ է,  
Բլրաշատ այս դաշտը դեռ  
Նրա աչքին մի հարթավայր է,  
Չգիտի, որ ձավարը  
Ֆորեն է, բայց ծիլ չի տալիս,  
Եվ, նայի՛ր, ինքնավստահ,  
Մի անլուրջ ամբարտավան է:

28

Գարունն է գալիս, դինավորեցե՛ք,-  
Ահա և նրա պարզ «հեռագիրը»՝  
Հին աշտարակին, մի ոտքի վրա  
Տնկվել է նորից ծեր արագիլը:  
Գարունն է գալիս: Վերադարձել է  
Եվ արագիլը օտարությունից,  
Իսկ սրա հոգին չի բացակայել,  
Չի չվել երբեք, բայց... տարագիր է:

Նա դուրս է տալիս  
 Ծոտի ու պոտի,  
 Մեկ՝ խիստ պարզունակ  
 Ու մեկ էլ՝ խրթին:  
 Բայց կարևոր է  
 Գիտե՞ք, թե որը.  
 Լեզվին՝ մի բան է,  
 Այլ բան է՝ սրտին:  
 30

Ինքը մի նոր,  
 Մի իսկական շնածուկ է,  
 Բայց քո՛ մեջ է  
 Փնտրում հնի մնացուկը:  
 Եվ գտնում է...  
 Գիտե՞ք որտեղ - հենց այն բանում,  
 Որ խորշում ես շնածկից,  
 Ինչպես... հնում: